

SATYRA PRIMA.

Cur cessas ignaue gradum contollere, & horam
 Nigrino ad nostram properè condicere cœnā?
 Ne stomachetur herus, bili modereris amara.
 Id dictum factumq; dedi: negat improbus, acrem
 Epialum excusans febrimq; uenire recusat.
 Hesterno perfusus, ait, fractusq; Lyæo
 Infœlix quatiôr tristi uertigine, ut altæ.
 Quo uerto me cunque, domus turresq; moueri
 Inque caput ruere, atque umbræ per inane uolare,
 Armatae facibus, cinctæ serpentibus atris
 Eumenidèsq; mibi dirum intentare flagellum,
 Nunc pedibus sursum cœlum uideantur in altum
 Tollere: cur magnas nostro tu nomine grates
 Ore feres Rheso. si te hæc Dromo dicere uera
 Socraticum haud iurare canem sine fraude uereris,
 Immortale odium Nigrino indico, proteruius
 Quandoquidem hac cœna conuinam se negat una.
 Nunquàm illi posthac impartiar cre salutem.
 Non minus hæc grandis læsit me iniuria, quàm si
 Diuorum sacras nostrum iugulasset ad aras
 Crudelis patrem ferro. non staret ad omne
 Imperium ille mihi tanto usque expositus amico?
 Tot dubijs cœnis, tot conciliatus Iacchi
 Spumantis pateris? Nigrinus dixerit hic mi:
 Atqui par non est, nec amicorum, improbius quid

Poscere inutile non irasci, si qua recuset,
Quæ ledant animum, uel noxia corporibus sint.
Scilicet hoccine tu Droïno durî in parte reponis,
Si uel ad oppiperas quis te inuitarit amicus
Pontificum cœnas? non hercule id adstruet, ollas
Quisquis uel S. culas summo gustauerit ore.

Fac here ius seruo stulto mihi dicere pauca.
Dummodo pauca, agedum, si te torpedo, uel ullæ
Morborum pestes aliæ quaterent malè, ferres
Improbis lecto auellis importunus amicus
- Illene dicatur, qui nil differret ab hoste?
- Quippe nocere studet, non autem accersere lauta.
- Id quod amicitie uel summa in parte fateris.

Contra, hostile, grauas studio aduectare labores.
Accersit medicum, bene qui cupit esse sodali:
Assidet ægroto, solatur uoce, manûq;
Subleuat, antidoton præsens & porrigit: auram
Ut fugiat tristem monet ægris exitialem.
Hoc tibi letale est, illud (mihi crede) salubre:
Interdum Veneri indulge, uel blandus amicis
Liberiore uaces animo, dapibusq; benignis.
Parcendum his rursus, tua si modo stamina longum:
Produci cupias, dixi, non prorsus aberras
A uero, cur me haud paulo sapientior exis.

U Sic in amicitijis grauius peccatur ubique.

Hos inter, leuis instabiles offensa coturnos

Quos prauè immutat lamnis uersatiliores
Ad uentum expositis omnem, quos Delphica lis, &
Armatus nugis de umbra contendere aselli
Cogit, ut & qui de lana certare caprina
Audent, ac si de patrijs ageretur agellis,
Ridiculam instituunt rixam, est ut stulta libido:

Ostentator opes si iacet inaniter, ut qui
Præ se contemnat reliquos, ceu uilia, Crassus
Mendicabula, Pompeium, qui candidus usquam
Haud ostentat opes, in primis, diues haberi
Romæ nemo potest, extra ipsum, propterea quod
Prouentu agrorum proprio ualeat legionem
Bis senos menses alere unus, sed quia fastu
Præmio, ut planè domitores orbis, egenos
Contemnit, candor fœdusq; fidemq; reponit
Pompei niueus Crasso populusq; togatus.
Fastidit natura parens tollentia cristas,
Atq; supercilium seuorum more gigantum:

Suffenus magnum quiddam spirat, simul & se
Venditat inflatus, iaciatq; ad sidera dextram.

Mi placeo inuitis superis genioq; sinistro.

Commodus interpretis iuris legumq; peritus

Doctorum nulli tribuo: mea uerba Sibyllæ

Sunt folia, & sortes Lycij atq; oracula Phœbi.

Vin' tu iudicio forex oppedere nostros

A quo qui dissentiat, is sentit nihil: hinc mi

Concilio nomen sapientis, & arbitrium uni
Desertur merito tota mihi perpes in urbe.
Parthenio ista uidens foelicem exclamat ulyssem,
Quod socijs patulas cera obturauerit aureis,
Sirenum ne cui magici sub pectora cantus
Instillarentur: cor palpitat, & fugit horrens
Parthenio nasutum hominem fastuq; tumentem,
Quem uana inflatum dinexat opinio de se.
Ut sunt dissimiles Thraso, & indole Phædria miti:
Ingenio uanus miles Thraso grandis hiatu
Conuictus regum, suaq; Attica dicta libenter
Commemorat, salsosq; iocos, partosq; labore
In sese transfert alieno sepe triumphos.
Contrà, Phædria per placido ingenioq; iacenti
Non tolerat flatus, non sesquipedia bardi
Verba hominis, quare, pugna & certamē utrinq; est.
Pugnat enim natura ferox, quæ cornua tollit
Indole cum placida, melior quam sinxerit & mens.

Sum ingenio impense taciturnus, amansq; quietis,
Verbosus odi, uito, ceu monstra, loquaces,
Ne me conficiant: si dicat amicus in aurem
Quæ celanda tacenda stent, ea futilis alter
Qui Pylades dici studeat, si effutiat, istum
E grege amicorum proturbo iure meorum.

Iungatur uates afflatus numine, auaro
Nauanti sacris operam capiti absq; cerebro:

Ille bon

Ille bonos dulci modulatur arundine uersus,
Intenditq; chelyn, cytharæ chordasq; sonoras
Aptat, ut historiam condat ludatue poëma.
Tetricus hic spinas, & acumine Chryssipeo
Enodat gryphos, argutaturq; cruentas
Ad pugnas crocodilittis depugnat acutis,
Potus parcior, at uerborum prodigus, auri
Plus æquo sitiens, neuus deformis & ater
Corpore in egregio, & sacrato pectore myste.
Ista quis inuertat, sanctum afflatumq; poetam
Virtutum exemplar spectabit nobile, noxis
Excepto, nisi quod leuibus, uitijsq; laboret.
Miretur nemo, studium si pectora dispar
Dissuat, & bellum iuge sauiat inter utrumq;.

Par erat Vtopiæ, non prorsum ignobile fama &
Gratia amicitiae, nucibus dum & ludere grallis
Atq; in arundine cum paribus natura decorum.
Ferret, Apollineas alter decerpere lauros,
Dicendi gnarus, iurisconsultus ad unguem
Tandem euasit & omniscius, qui absoluerat ipsam
Encyclopedian numeris simul omnibus: alter
Otia sectari cepit, segnisq; ueterno
Maluit intorpere, & somno ducere uitam,
Cecropijs quàm cum laude inuigilare camœnis.
Forte à Musarum studijs ad tecla reuersus
Omniscius, de quodixi, patriosq; penates,

Aequæuum: omnes conuolitant, ceu ad putre cadauer
Miluorum gens: automati uenere frequentes
Ad lauta: at uetus hic uitiosa fronte sodalis
Sine supercilio, quod res sibi lautior esset
Structa domi, non gratari digantus, adire
Esse operæ pretium duxit malè doctus amicum.
Ergo hanc barbariem ruditis instillat, apertæ
Cum sint Lebetridum nimio candore fenestræ.
Odit enim uulgus bardum quæ ignorat, amâtq;
Lactucas similes, & rarius inter eosdem
Eiusdem studiij fœdus: si pictor Apellem
Insignem obscurus studio diuexet amaro: &
Zoilus infesta lingua insectetur Homerum.

Inuidet & medicus medico, neq; conuenit inter
Cantorum proceres, modulato musica cantu
Qui doctè resonant, digitis quiq; organa pulsant.

Ecce tibi primas tribuo ingeniose Michaël
Artifices inter (modo si mihi iudicium ullum est)
Omnibus inuitis, quicunq; oppedere tendunt.

Schagius at nunquam fert te sibi præpositum iri,
Quod digitum cursu præpolleat omnibus unus
Veloci, ut læsi est persuasio stulta cerebri.

Melchius huic rursus forsân concedere culmum
Non latum uolet, ipsum formarit licet olim.

Atq; hoc, quod dico, modo de cantoribus, ipsum

Infas

Insanis & de forsan cecinisse poetis

Fas fuerit, loquor hic, de his, qui mala carmina cōdūt
Quique suo ingenio donant nimium tribuuntq̃,
Ad bellum exacuit, quos buccina grandior, & quas
Calcar ad inuidiam clarorum gloria uatum
Subdat, ut assequier qui non ualet excurrentem,
Ludere si nequeat uel fraude doloue, precatur
Infortunia, presentem cum implorat Ostrim
Victtricem sibi ne præconis uoce coronam
Auferat, ac celeberrimo toto cantetur in orbe.

Vicinus, pretio quas paruo inscripserat ades
Saturni culus, sum mercatus, quia bellum
Vicinum noti præconis buccina clarum
Intonuit, mihi mancupio traduntur habendæ.
Ut malè dispereat Saturni culus, & alto
Mergatur barathro. me fallit uenditor: ipsum
Deprehendi uanum: uitium præstare tenetur
Iure: malum offendo, furacem, alteq̃; quieti
Auscultatorem infestum: cum quo tamen arctum
Percutio fœdus, gradus est qui primus ad unam
Notitiam, effundo illuuiem ecce sedilia iuxta
Nostra, uel ad puteum saperdas proluo uiles
Communem: exoritur lis hinc meq̃; inter & illum.
Gratia disilit hic, quam non facundia Tulli
Sarciat, aut Brugmannus, quamuis ore disertus.

Rusticus urbanū Corydon cum adamaret Alexio

Efflictim, quid amicitiam diuellit? Alexis
Culpandus forsan, niuei cum lactis abundans,
Diues agri, & pecoris Corydon foret, & coleret rus
Sordidum: at æquale his inter se concrepuit nil.
Rusticus umbrosis incondita carmina syluis
Non canit, at stridet, rauca de more cicada,
Thersite deformior, enormisq; colonus.
Si quæras genus, è bruta tellure repente
Emersit, qui pascat oues, olidosq; caprarum
Hircorumq; greges: lentos qui figere ceruos
Viminibusq; casas, admet qui habitare salignis:
Impexo capite, & barbæ squallore situq;,
Horrens illuue immunda tunicaq; togaq;.
• Si similis gaudet simili, st concolor ales
Conuolet alitibus, stultè expectauit Alexin
Rusticus urbanum, cui sordeat immodice rus
Rusticæ opes, & lac niuem, cratesq; salignæ.
Quas non delicias, quam mundiciemq; paratam,
Quam non luxuriam uideas inuitus in urbe?
Manificas splendore domos, & stemmata longa
Censeri serie maiorum atauumq; potentum?
Quis nitor in tunicis lucet, quas purpura, pexis
Vestiat? & gazas spirat formosis Alexis,
Non, ut pastor, oues, & opes urbanus agrestes.
Ille bibit famijs, argento diues Alexis.
Huic sit, cur dirimat sociatas fœdere dextras

Gratia

ratia rara, nec inter gnatum & utrumq; parentem
germanosq; fides duret, dulcisq; sorores.

Quas cedes uacuasq; domos Romana propago
conditor imperij? quas Sextus sanguine fratris
aruentis consparsit? & utraq; Tullia dispar

Quã fuit ingenio? Oedipodas quæ agitauit Erinnyes?
Tantalidasq;? infestius hos certamen ad atrox
ut stimulet, quàm quos coniuncti sanguinis ara
Nulla tenet, fatale odium, quod limine læuo
Pudere aduersis crudelia dolia fatis.

Verboſo aſſideat ſenio robuſta iuuentus:
Increpat, obiurgat, monet, actaq; tempora laudat.
Militiam petij quondam hac ætate, ſolutus
Non dabam amori operam, ſed rem uirtute decusq;
Et famam inueni: tranſcendi mœnia primus,
Seruui ciuem, detraxi hæc hoſtibus arma.
Hoc opus, hic labor, hoc ſtudium fuit, iſta paleſtra
Verſabat noſtram ſumma cum laude iuuentam.
Verba moleſta ſenum non fert animoſa iuuentus:
Congreſſum odit, & inſimulat ſe mutuus error.

Conſimuli ſtulto ſapiens ratione modóq;
Diſidet, infirmo ualidus, taciturnus inepte
Linguaci, immoderati loquo, inſulſeq; loquaci.

Atq; in idem uitium labuntur pronius hi, quas
Coniugium irata coijt Iunone, priuſquam
Ingenia inter ſe, & mores nouere, medimno

Dimi=

Dimidio absumpto nondum salis auspiciibus dijs.

Ecce Mycenæi thalamo ducis alite læuo

Tyndaris inseritur ledæum germen, in annos

Dextra fidesq; suis tædis & gratia manst.

At Troia reduci mentem ut mutasset adulter,

In caput Atridæ illudit limphata securim.

Huius item generis tot sunt exempla sinistri,

Flumina in oceanum quot præcipitantur & undæ:

Gignit amicitiam stabilem sola aurea uirtus:

- Differit ac rursus, quam forma, pecunia quamq;

- Glutinat, aut Siculûm mense, aut luxus Sybaritum.

¶ Hæc sola humanis non est obnoxia fatis.

Casibus aut exposita malis, rebusq; caducis.

Hæc Agamemnonio Pyladen sociavit Orestis:

Hæc Nisum Euryalo Patroclumq; adiunxit Achilli, &

- Quotquot amicorum angusto referuntur in albo,

= Vnum quos studium, mens una, & certa uoluntas

Adiungit, quos æqualis fortuna lubentes

Adstringit, nulla hos diuortia fœdere firmo

Seuellunt, docet ut sententia Pythagorea.

Porro interuallum quosdam diuellit amicos,

Lethea emotis repitq; obliuio: sed non

= Candor amicitiae uerus procul excidit, oris

Iis qui longinquis degunt, quod commoda nulla

Percipiant capti pinguis nidore culinae:

Quas nec aqua in manib⁹, neq; ferueat olla remotis.

Immora

Immortalis amicitia haud regione locouē
Temporis aut uitio perit, aut ferrugine tristi.

Rebus in incertis certum explorabis amicum:
Reflat ubi aduersis grauior fortuna procellis
Infortunatūm procul aufugit omnis amicus.
Circumagitur uento, ut qui summo uertice filo
Pendeat à tenui, huc torquetur turbine & illuc:
Aut uelut aduolitat sub uernum tempus irundo,
Deuolitatq; eadem cum frigus inherret & imber.

Non ego commouear uitijis leuioribus unquam
Sanus amicorum, quæ dissimulabo, tametsi
Hæc uideam, tolerabo tamen: uiolauero fœdus
Si nimis occipiam mala castigare seuerus,
Atq; oculatior exiero, sed grandia cernens,
Quæ ledunt famam uitæq; pericla minantur.
In discrimen aguntq;, hic si non liber amicum
Increpitem, aut minuam uitiosa, dissi supinus
Dicar, & in plano ad risum posuisse theatro:

FINIS.

